

Spreier juleglede



UNG JULENISSE: Marcus Ousdal (7) samlar inn gaver til fattige barn i år igjen.

Marcus Ousdal (7) synest det er like kjekt å gi som å få. Difor samlar han nok ein gong inn gaver til barn som treng det.

ELISABETH BERG HASS
elisabeth@kvinnheringen.no

For barn flest er pakkeopninga på julekvelden det største høgdepunktet i jula. Men ikkje alle barn har det sånn.

– Nokre barn er fattige, og får ikkje så mange gaver, fortel Marcus Ousdal (7) i Omvikdalen.

Jula i 2013, då han var fem år gamal, kom han sjølv på at han ville hjelpe desse barna ved å samla inn julegaver til dei. Og responsen var heilt overveldande.

– Svært mange ønskte å bidra. I den andre enden var det stort behov for gavene. Difor såg vi at det nytta, fortel mamma Diana Ousdal.

I fjor gjentok dei difor initiativet, til endå større respons. Og gler seg til å gjera det same i år.

– Kvifor vil du hjelpe, Marcus?
– Då kan eg gjera sånn at fattige barn kjenner seg litt rikare, forklarar han.

For sjølv om guten sjølvsagt elsker å få julegaver, har han òg oppdaga gleden ved å gi.

– Eg synest det er kjekt å vita at andre blir glade, smiler han.

Frå no av og fram til 15. desember kan dei som ønskjer å bidra, levera gaver til familien Ousdal, eventuelt ta kontakt om møte for overlevering.

– Vi kjem også til å ha ein dag for innsamling på Husnes, og ein i Rosendal. Det er òg nokon som har sagt seg villige til å samla inn for oss på Halsnøy, fortel Diana.

Kva som skal liggja i gavene stiller dei ingen krav til, anna enn at det

må vera nye, ubrukne ting. Heimestrikke klede er òg veldig kjærkomment, får vi vita.

– Tidlegare har vi fått mykje til små barn, som er vel og bra. Men behovet er nok minst like stort blant dei litt større barna og tenåringane, så eg håpar vi får noko til desse òg, seier mor og son.

Dei oppmodar givarane om å merka dei innpakka gavene med om innhaldet passar til gut eller jente, og sånn omtrent kva aldersgruppe gáva kan passa til.

– Dei som ønskjer å motta gáve kan kontakta oss fram til rundt 20. desember, og dei får sjølvsagt vera anonyme. Vi plar dela ut gáver til dei som treng det her lokalt først. Får vi noko att, reiser vi til Bergen og leverer det til Robin Hood-huset, forklarar Diana og Marcus.

Pengar til sjukehusbarn

Onsdag fjerde november hadde Valen barnehage sponsorløp til inntekt for «Sykehusbarna».

Heile barnehagen var med og alle barna viste stor glede og vilje til å springe. Nokre sprang tre rundar og nokre sprang enno meir. Det vart ein kjempekjekk dag ute i strålende haustvær og vi fekk inn mykje pengar. Heile 16.270 kroner! Det var mykje pengar! På førehand hadde foreldre fått med seg fleire lappar heim der dei sjølv skulle få velje kor mykje pengar dei skulle betale per runde. Dei minste barna sprang rundt leikeapparata i barnehagen, mens dei eldste var så heldige at dei hadde fått låna Valeparken av skulen.

Etter endt dag var det Fau som stod for bollar, saft og kaffi som vi selte til føresette og besteforeldre. Tusen takk til flinke foreldre i Fau i Valen barnehage for gode bollar!

Kari Bakken Teigen



LØP: Barnehageborna var ivrige og sprang. (Foto: Valen barnehage)

FRÅ 25. NOVEMBER
må du vera abonnent og ha registrert deg med aID for å lesa sakene på nettavisa.

FÅ TILGANG

til eAvis og alt innhald på kvinnheringen.no

- 1) Gå til www.kvinnheringen.no, klikk på «meny», (øvtst til høgre)
- 2) Vel «Logg inn, aID»
- 3) Klikk på «lag ny brukar»
- 4) Registrer namn, mobilnr., epostadresse og fødselsdato
- 5) Kryss av for å godta vilkåra og vel «send meg eingongs-kode»
- 6) Du får no eingongskode tilsendt til din mobil
- 7) Legg inn eingongskoden og opprett eit passord
- 8) Du er no innlogga og har tilgang til eAvisa og alt innhald på kvinnheringen.no

Du må lasta ned og logga inn på eigen app for å lesa aAvisa på mobil eller nettbrett. Denne er heilt gratis.



Tilgang til eAvisa allerede kl 10.00 kvelden før



Registrere heile fem familiemedlemmer på same abonnement



Tilgang til alt innhald på våre nett- og mobilsider

Treng du hjelp for abonnement eller aID?
Kontakt kundeservice **85 23 32 02**
abonnement@kvinnheringen.no

Kvinnheringen